

古

今

譚

槩

機警部第二十三目錄

晏子

計二條

晏子馬氏語相似

計二條

爾汝歌

伊籍

趙遷

諸葛瑾

元孚

賈玄

陳君佐

薛綜

秦忠

東方朔

計二條

孔文舉

賈嘉隱

王元澤

丘浚

悲彭城

裴略

裏行御史

隋士

侯白

計四條

蔡湖

梁伯龍

張五湖

劉貢父

神錐神槌

參禪謁

六眼龜

蝨辨

解縉 計二條

三教圖

鄆天澤

鏡新磨

安轡新

黃幡綽

公振

江南敘

機考部

子猶曰。昔三徐名著江左。而騎省鉉尤其白眉。及入
聘。頗難押伴之選。藝祖令殿前司具殿侍中不識字
者十人以聞。而點其一。曰。此人可。舉朝錯愕不解。殿
侍者亦不敢辭。既渡江。騎省詞鋒如雲。其人不能答。
強聒之。徒唯唯。居數日。既無與之酬復。騎省亦勅且
默矣。人謂此大聖人舉動。不屑與小邦爭口舌之勝。
不知爾時直是無騎省對手。儻得晏嬰秦宓其人。滑
稽辯給。奏凱而還。大國體面。更當何如。孔門惡佞。而

不廢言語之科。有以也。集機警第二十三。

○ ○ 晏子

齊景公問東海棗華而不實。何也。晏子曰。秦穆公黃布
裹棗。至海上而投其布。故華之不實。公曰。吾侔問耳。對
曰。侔問者。亦當。雋對。

晏子至楚。王賜晏子酒。酒酣。吏縛一人前曰。此齊人也。
坐盜。王視晏子曰。齊人固多盜乎。晏子避席對曰。嬰聞
之。橘生淮南則爲橘。生於淮北則爲枳。今民在齊不盜。
入楚則盜。意者楚之水土耶。王笑曰。聖人非所與嬉也。

寡人反取病焉。

○○晏子馬氏語相似

晏子使楚。楚人以晏子短。爲小門於大門之側而延之。晏子曰。臣不使狗國。安得從狗門入。饋者更道從大門入。見楚王。王曰。齊無人耶。晏子對曰。臨淄三百里。張袂成陰。揮汗成雨。何爲無人。王曰。然則何爲而使乎。對曰。齊命使各有所主。其賢者使使賢王。不肖者使使不肖王。嬰最。不肖。故使楚矣。

袁隗妻馬氏是季子長女。少有才辯。融家勢豐豪。裝遣

甚盛。隗問曰：婦奉箕箒而已，何乃過珍麗乎？對曰：慈親垂愛，不敢逆命。君若欲慕鮑宣、梁鴻之高，妾亦願從少君。孟光之事矣。隗又曰：弟先兄舉世以爲笑，今處姊未適，先行可乎？對曰：妾姊高行，殊逸，未遭良匹，不似鄙薄苟然而已。

○爾汝歌

晉武帝問孫皓聞南人好作爾汝歌，汝能爲不？皓正飲酒，因舉觴勸帝而言曰：昔與汝爲鄰，今與汝爲臣，上汝一杯酒，令汝壽萬春，帝悔之。

○ ○ 伊籍

先主以伊籍使吳，孫權問其才辯，欲逆折以辭。籍適入拜，權曰：「勞事無道之君乎？」對曰：「一拜一起，未足為勞。」

○ ○ 趙遷

後秦姚萇與羣臣宴，酒酣謂趙遷曰：「諸卿皆與朕北面秦朝，今忽相臣，得無恥乎？」遷曰：「天不恥以陛下為子，臣等何恥為臣？」萇大笑。

○ 諸葛瑾

諸葛恪父瑾面長似驢，孫權大會客，使人牽驢入，題其

面曰此諸葛子瑜恪請筆續兩字於下曰之盛舉坐歡
笑乃以賜恪

○○元孚

五代周元孚好酒短而禿文帝於室內置酒十瓶各加
帽以戲孚孚入見便云吾兄弟無禮何為入王室中坐
宜早還宅因持酒去

○賈玄

待詔賈玄侍宋太宗棋饒玄三子常輸一路太宗知玄
詐不盡其藝乃曰此局復輸當榜汝既滿局不生不死

太宗曰亦詐更一局汝勝賜汝緋不則投汝水中局既
卒不勝不負太宗曰我饒汝子而復平是不勝也命左
右投之水中乃呼曰臣握中尚有一子太宗大笑賜以
緋衣

○陳君佐

太祖時陳君佐以詖諧得幸屢遭危險以口舌免嘗與
物食之較其言善則免與醋飲問曰酒何如對曰折腹
謂酸也卽折福與生牛皮食問曰肉何如對曰難消謂
硬也又以寬大員帽賜戴之畢項問曰何如對曰壓帶

不淺謂深也。卽感戴。一日又欲一字笑。請明日從。駕
至金水河。預令孤老替者。沿河排立。駕至。陳呼曰。拜
衆皆依贊拜。墮水中。上大笑。又從遊苑中。上停馬
命隨口作一詩。卽呈曰。君王停馬要詩篇。杜甫詩中借
一聯。金勒馬嘶芳草地。玉樓人醉杏花天。

○薛綜

蜀使張奉使於孫權。前以姓名嘲關。津不能答。薛綜
下行酒。因勸云。蜀者何也。有犬爲獨。無犬爲蜀。橫月勾
身。虫入其腹。奉曰。不當復說。君吳耶。卽應聲曰。無口爲

天有口爲吳君臨萬邦天子之都衆坐喜笑而奉無對

○○秦宓

吳使張溫來聘問秦宓曰天有頭乎宓曰有溫曰在何方宓曰詩云乃眷西顧以此推之在西方溫曰天有耳乎曰天處高而聽卑詩云鶴鳴九臯聲聞於天溫曰天有足乎宓曰詩云天步艱難無足何以步之溫曰天有姓乎宓曰姓劉溫曰何以知之曰天子姓劉以此知之

○○東方朔

武帝時有獻不死之酒者東方朔竊飲之帝怒欲殺朔

朔曰臣所飲不死之酒也。殺臣，臣亦不死。臣死，酒亦不
驗。

韓非子中射之士事同

漢武遊上林，見一好樹，問東方朔。朔曰：名善哉。帝陰使
人識其樹，後數歲復問朔。朔曰：名爲瞿所。帝曰：朔欺久
矣，名與前不同何也？朔曰：夫大爲馬，小爲駒，長爲雞，小
爲雛，大爲牛，小爲犢。人生爲兒，長爲老，且昔爲善哉，今
爲瞿所，長少死生，萬物敗成，豈有定哉？帝乃大笑。

說苑子路顏回浴於洙水，見五色鳥。顏回問子路曰：

榮榮之鳥。他日見之。又問曰。同同之鳥。回曰。何一鳥而二名。子路曰。譬如絲絹。煮之則爲帛。染之則爲皂。不亦宜乎。

○○孔文舉

孔文舉年十歲。隨父到洛。時李元禮有盛名。爲司諫校尉。詣門者。俊才清稱。及中表親戚。乃通。文舉至。門謂吏曰。我是李府親。旣通。前坐。李曰。君與僕有何親。對曰。昔先人仲尼與君先人伯陽。有師資之親。是僕與君奕世爲通好也。膺問欲食乎。曰。須食。膺曰。教卿爲客之禮。但

讓不須謝主。融曰：敎公為主之禮，但置食，不須問客。齊
歎服曰：恨吾將死，不及見卿富貴。融曰：公殊未死，庸問
何故。客曰：人之將死，其言也善。公向言殊未善。適大夫
陳建後至，聞斯語，曰：小時了了，大未必佳。融曰：想君小
時必當了了。

○賈嘉隱

賈嘉隱年七歲，以神童召見。時長孫無忌徐勣於朝堂
立語，徐勣之曰：吾所倚何樹？異曰：松樹。徐曰：此槐也。何
言松？賈云：以公配木，何得非松？長孫復問：吾所倚何樹？

曰槐樹。公曰汝不能復矯對耶。賈曰何煩矯對。但取其鬼木耳。徐歎曰此小兒作獠面何得如此聰明。賈云胡頭尚爲宰相。獠面何廢聰明。徐狀胡故諱之。

○王元澤

王元澤

秀安石子

數歲時客有以一箒一鹿同器以獻問元

澤何者是獠何者是鹿元澤實未識良久對曰獠邊者是鹿鹿邊者是獠客大奇之

○丘浚

中丞丘浚謁釋瑞瑞珠傲頃之有州將子弟來謁瑞摩

階接之甚恭。丘不平，問曰：和尚接浚甚做，而接州將子弟，何其恭耶？珊曰：接是不接，不接是接。浚勃起打珊曰：打是不打，不打是打。

○悲彭城

尚書令王肅曾省中詠平城詩云：悲平城，驅馬入雲中。陰山常晦雪，荒風無罷風。彭城王勰甚嗟其美，欲使更詠，乃失語云：悲彭城，肅笑之。勰有慚色。祖瑩在座，卽云：固有悲彭城。王公未見，肅曰：可爲誦之。瑩應聲云：悲彭城，楚歌四面起，屍積石梁亭，血流睢水裏，勰大悅。退謂

壁曰，卿定是神口。

○裴略

唐初有裴略者，宿衛考滿，兵部試判爲錯一事落第，略因詣溫彥博陳訴，溫時與杜如晦語，不理其訴，略云：少小已來，自許明辨，至於通傳言語，堪作通事舍人，并解文章，兼能嘲諷，溫卽指竹使嘲，略應聲曰：庭前數竿竹，風吹青蕭蕭，凌寒不肯凋，經冬子不熟，虛心未能待國士，皮上何須生節，日。溫云：旣解通傳言語，可傳語，願前屏牆，略走至牆下，大聲語曰：方今聖明在上，開四門以

待士君是何物。久在此妨賢路。卽推倒之。溫曰。此意着博也。略曰。不但着博。亦當着杜。彦博如晦俱大喜。卽令送吏部與官。

朱貞白嘗謁貴人不禮。題格子屏風曰。道格何曾格。言糊又不糊。渾身都是眼。還是議人無。亦此意。

○裏行御史

則天時。裏行御史聚立門內。有令史不下驢。衝過其間。諸御史大怒。將杖之。令史云。今日之過。實在此驢。乞數之。然後受罰。謂驢曰。汝技藝可知。精神極鈍。何物驢敢。

於御史裏行。於是衆羞赧而止。

○○隋士

隋一士慧而吃。楊素喜與之譚。一日設難曰。儻忽命公作將軍。城最小。兵不過一千。糧僅充數日。城外敵兵數萬。公何以處之。士曰。有有救兵否。曰。只緣無救。所以策公。士曰。審審如公言。不免致敗。素大笑。素又問坑深一丈。公入其中。何法得出。士沈思曰。有有梯否。公曰。有梯何須更問。士又沈思曰。是白白日。是是夜地。素曰。亦何須辨。白日夜地。士曰。若若不是夜地。眼不瞎。何何爲陷。

入。素大笑。又值臘月。素問家人被蛇傷。若爲醫治。士曰。取取五。五。五。日。南。牆。下。雪。塗。之。卽愈。素曰。五。月。何。得。有。雪。士曰。若。若。五。月。無。雪。臘。月。何。處。有。蛇。素復大笑。

○候白

隋候白嘗與楊素竝馬。見路傍有槐樹。顛顛欲死。素曰。候秀才道理過人。能令此樹活否。白曰。取槐子懸樹枝。卽活。素問其說。答曰。論語云。子。在。回。何。敢。死。同槐

開皇中。有人姓出名六勛。欲叅楊素。齋名紙至省門。遇候白。請爲題其姓。乃書曰。六勛半。名旣入。素召其人問。

曰、卿姓六名、勛半耶、答曰、是出六勛、曰、何爲六勛半、曰、向請侯秀才題之、當是錯矣、卽召白至、謂曰、卿何謂錯、題人姓名、對曰、不錯、素曰、若不錯、何因姓出名六勛、請卿題之、乃言六勛半、對曰、向在省門、會卒無處覓秤、既聞道、是出六勛、對酌、只應是六勛半。

陳常令人聘隋、不知其使、機辯深淺、密令侯白變服、爲賤人、供承、客果輕之、乃傍臥放氣、問白曰、汝國馬價貴、幾如何、白云、馬有數等、若使兩筋、脚好、形容不惡、堪乘騎者、直二十千已上、若形容羸壯、雖無伎倆、堪馱物、直

四五千已上，若彌尾燥蹄，絕無伎倆。傍臥放氣，一錢不直。使者大驚，問其姓名，知是侯白，方媿謝。

侯白在散官隸屬，楊素愛其能刺譚，每上番日，卽令譚戲弄。或從旦至晚始得歸，纔出省門，卽逢素子玄感，乃云：侯秀才可與玄感說一箇好話，白被畱連不獲已，乃云：有一大蟲欲向野中覓肉，見一刺蝟仰臥，謂是肉，便欲銜之，忽被蝟卷着鼻，驚走不知休息，直至山中困乏，不覺昏睡，刺蝟乃放鼻而去，大蟲忽起，歡喜走至橡樹下，低頭見橡斗，乃側身語云：旦來遣見賢尊，願郎君。

且遊道。

○ ○ 蔡潮

方伯蔡潮譚笑風生，有同官迎都憲於江中，冬月羣擁爐坐，公至，烘然曰：「蔡公至矣，請一謔。」譚曰：「無也，但昨聞江中盜劫商船，俱檀降牙香，相與謀曰：『賣之，利微，棄之可惜。』吾輩爲此事久矣，向賴天保護，盍焚此香，答之香氣透天，上帝將謂人間作好事，令二力士訪之，非也。」乃一羣老強盜在此向火耳。滿座大笑。

○ ○ 梁伯龍

梁伯龍浣紗記成，一浙友誑之曰：君所編吳爲越滅，得無自折便宜乎？梁笑曰：苧羅之美，吳人試之，吳宮之穢，越人嘗之，如此，便宜固亦足矣。

張五湖

王荆石相公赴京，蘇中親友醵金治舟於虎阜，候送至晚，杳然有疑改期者，有疑夜渡者，正榜徨引領間，遇邑人張五湖乘小舟至，衆素知張善禱，拉至舟中小飲，固要張說一笑話，張曰：一老翁無子，每以無人送終爲苦，至八十餘，一歲中婢妾連舉數子，親鄰畢賀，翁凄然淚

下衆驚問之。乃曰。我年如許。雖幸有多兒。不知送得老翁。翁者否。衆雖愠其刻。而終服其捷。

○劉貢父

黑宰姑尚經術。說詩者競爲穿鑿。如伊其相讓。贈之以芍藥。謂此爲淫泆之會。必求其爲士贈女乎。女贈士乎。劉貢父曰。芍藥能行血破胎氣。此蓋士贈女也。若視爾如菽。貽我握椒。則女之贈士也。本草云。椒性溫。明目。履水。臙。故耳。聞者絕倒。

○神錐神槌

鍾雅語祖士言我汝賴之士利如鑊卿燕趙之士鈍如
槌祖曰以我鈍槌打汝利鑊鍾曰自有神鑊不可得打
祖曰既有神鑊亦有神槌

○參禪謁

佛印方丈成乞東坡顏額東坡未暇佛印自題曰參禪
謁東坡一日見之戲續云硬如鐵佛印接云誰得知東
坡笑云徒弟說魯直在坐絕倒

○六眼龜

蘇子瞻謁呂微仲值其寢久之乃出蘇不堪見一盲蒲

盆畜綠毛龜。蘇云：六眼龜更難得。呂問出何處。蘇曰：昔唐莊宗時，一國進六眼龜，伶人敬新磨進口號曰：不要鬧，不要鬧，聽取這龜兒口號。六隻眼兒分明睡一覺，抵別人三覺。

按史傳，實有六眼龜。郭景純江賦：龜有六眸。宋太始二年八月丙寅，六眼龜見於東陽。太守劉鋹得之，以獻睿宗。先天三年，江州獻靈龜六眼，腹下有玄文，又嶺南欽州出六眼龜，然實止兩眼耳，外四眼乃斑點花紋，圍長中黑，與真目竝列，端正不偏，人莫能辨也。

○ 蠡辨

東坡閒居日，與秦少游夜宴坡，因捫得蠡，乃曰：此垢膩所生，秦曰：不然，綿絮成耳。辯久不決，期明日質疑佛印。理曲者罰設一席，及酒散，秦先往囑佛印，明日若問，可答生自綿絮，容勝後當作飢餓會。既去，頃之坡至，亦以垢膩囑，許作冷淘，明日果會，具道詰難之意。佛印曰：此易曉耳，乃垢膩爲身，絮毛爲脚，先喫冷淘，後喫飢餓，二公大笑，具宴爲樂。

○ 解縉

解縉嘗從遊內苑。上登橋問縉當作何語。對曰：此謂一步高一步。及下橋又問之。對曰：此謂後邊又高似前邊。

上大悅。一日上謂縉曰：卿知宮中夜來有喜乎。可作一詩。縉方吟曰：君王昨夜降金龍。上遽曰：是女兒。卽應曰：化作嫦娥下九重。上曰：已死矣。又應曰：料是世間留不住。上曰：已投之水矣。又應曰：翻身跳入水晶宮。上本欲詭言以困之。旣得詩。深歎其敏。

嘗有人召仙請作梅花詩。仙箕遂寫玉質亭亭清且幽。其人云：要紅梅。卽承云：着些顏色點枝頭。牧童睡。

起。膝。靡。眼。錯。認。桃。林。去。如。牛。又。一。箕。題。雞。冠。花。詩。華
冠。本。是。騰。脂。染。其。人。云。要。白。者。卽。承。云。洗。却。騰。脂。似
雪。物。只。爲。五。更。食。報。曉。至。今。猶。帶。一。頭。霜。
解。縉。四。歲。出。遊。市。中。偶。跌。衆。笑。之。吟。曰。細。雨。落。綢。繆。磚
街。滑。似。油。鳳。皇。跌。在。地。笑。殺。一。羣。牛。

○三教圖

馬。遠。嘗。畫。三。教。圖。釋。迦。中。坐。老。子。儼。立。於。傍。孔。子。乃。作
禮。於。前。蓋。內。璫。故。今。作。此。以。侮。聖。人。也。理。宗。詔。江。子。遠
萬。作。贊。江。贊。云。釋。氏。跌。坐。老。聃。傍。睨。惟。吾。夫。子。絕。倒。在。

地遂大稱之

○鄆天澤

姑蘇鄆天澤者略涉書好摘人詩文句字供嬉笑。偶讀
瞿文懿王立沼上義詩曰沼固惠王池也破何得言所
立非其地。已誦詩至流鶯啼到無聲處。卽又曰啼則有
聲。何謂無聲。諸所戲侮聖言多類是。一日獨坐有青衣
二人捧之去。至一所殿宇莊嚴。天澤恐階下遙見柱帖
云。日月闔羅殿。風霜業鏡臺。始知已死。王問天澤知過
否。因引業鏡照之。具得其罪狀。王復命青衣引天澤還

陽世道其事。比出門。天澤輒又謂青衣曰。屬見殿柱帖。政自不佳。何獨闕羅殿。偏有日月乎。青衣者怒曰。汝尚敢爾爾。扶之。俄遽然醒。

○鏡新磨

五代伶官鏡新磨嘗奏事殿中。多惡犬。新磨去。一犬起逐之。新磨倚而呼曰。陛下毋縱兒女噬人。莊宗家世夷狄。諱狗。故以此譏之。莊宗大怒。彎弓將射之。新磨急呼曰。陛下無殺臣。臣與陛下爲一體。殺之不祥。莊宗驚問其故。對曰。陛下開國。改元同光。且同。銅也。若故鏡新磨。

則無光矣。帝大笑釋之。

○安轡新

李茂貞入關時，放火燒京闕，民居殆盡。及入朝，賜宴，優人安轡新目之爲火龍子。既已，茂貞慚怒，欲殺此豎子。因請告往岐下謁之。茂貞一見，大詬曰：「此賊何顏敢來求乞？」安曰：「只思上謁，非敢有干也。」茂貞色稍定，曰：「貧儉若斯，何不求乞？」安曰：「京城近日但賣麩炭，便足一生，何必求乞？」茂貞大笑而厚賜之。

○黃幡綽

玄宗在蜀，黃幡綽陷在賊中，賊黨就擒，有謂幡綽忘上恩寵，與賊圓夢，每順其情，如祿山夢見衣袖長拖至階下，則解曰：垂衣而治。又夢見殿中榻子倒下，則解曰：革故鼎新。上詰幡綽，幡綽曰：非也。逆賊夢衣袖長，是出手不得。又夢榻子倒是，糊不得。上笑釋之。

○○公猴

三楊當國時，有一妓名齊雅秀，性極巧慧，一日命佐酒，衆謂曰：汝能使三閭老笑乎？對曰：我一入便令笑也。乃進見，問何來遲，對曰：看書。問何書，對曰：烈女傳。三閭老

大笑曰母狗無禮卽答曰我是母狗各位是公猴一時
京中大傳其妙

○○江南妓

江南一妓有殊色且通文濠州胡尚書於許學士席上
見之問其名曰齊下秀胡公戲曰臍下臭妓怒曰尚書
可謂聞人胡怒曰此妓山野妓怒曰環滁皆山也爲之

闕席見西堂紀聞謔浪作
歐文忠公事或誤

機警部 終

酬朝部第二十四目錄

楊玠

張裔

諸葛恪

計二條

徐陵聘魏

月賦秋月詩

趙孟頫周艸隱對

蘇劉

狼驢

陶穀使吳越

原父酬歐公

何承天

王范

祝石林

王清

仕宦遲速

陸兵曹張給事

費侍郎對

侍郎謔 計二條

洗馬

太常卿大學士

增廣檢討

試官舉子

僧贊寧等 計五條

儒匠

劉潛夫

東坡佛印 計二條

師公

糞壘

錢素子

羊蟹

梁寶趙神德

歐陽長孫

補唇先生

王琪張亢

吳原墅王玉峯

蘇小妹

多髯

徐之才

張玄祖

嚴高二相公

楊梅孔雀

虞寄

何顧

郭曾

二柳孤楊

歸皮

盧狄

韓盧後

崔季珪

盧陸

謝劉二子

殷何二子

庚孫二子

王慈

伍伯駟儉

酬外祖戲

申許二公

達毅王達

呂擴謝暉

演琵琶記

羅隱對

胡旦

鐵冠道人

楊李二公

陸封公對

地簿計二條

劉寶遇女媼

真楊二媼

小試冒簪

燕釜山鹿鳴

酬嘲部

子猶曰談鋒之中人如風觸牆鮮不反矣其不反者非大愚人則大伎毒人魚軍容所謂怒猶常情笑乃不可測者也。是故能酬者不病嘲而能嘲者亦反樂於得酬。旗鼓相向爲鶻爲鷂或吳艚之復歸或趙幟之遽拔。雖使蘇張復生誰能射棘門之戟。儻亦憑軾者之大觀乎。集酬嘲第二十四。

○楊玠

楊玠北人巧應對京兆杜公瞻戲曰君旣姓楊陽貨實

辱孔子玠曰君既姓杜杜伯常射宣王。又殿內將軍牛子充戲曰君羊有玠恐不任厨玠曰君牛既充正當烹宰。又太倉張策戲曰卿本無德量忽共叔寶同名玠曰爾既少才能敢與伯符連諱。又太子洗馬蕭翊蘭陵人戲曰流共工於幽州易北恐非樂土玠曰放驩兜於崇山江南豈是勝地。

○張裔

張君嗣在益州爲雍闓縛送與吳武侯遣鄧芝使吳因便請裔裔在吳流徙伏匿吳主未之知臨發引見問曰

蜀卓氏女亡奔相如，貴土風俗，何以乃爾？裔曰：愚以爲卓氏寡女，猶賢於買臣之妻。

○諸葛恪

吳主權嘗燕見費禕，逆敕羣臣使禕至，伏食勿起。禕至，權爲輟食，而諸人不起。禕調之曰：鳳皇來翔，麒麟吐哺，驢騾無知，伏食如故。諸葛恪應聲曰：爰植梧桐，以待鳳皇，有何燕雀，自稱來翔？何不憚射，使還故鄉。

孫權使太子嘲諸葛恪曰：恪食馬矢一石，答曰：臣得戲君，子得戲父。權曰：可。恪曰：乞太子食雞卵。權曰：人令卿

食馬矢，卿令人食雞卵，何也？恪曰：所出同耳。權大笑。

○徐陵聘魏

徐陵至魏館，是日甚熱，魏收嘲陵曰：今日之熱，當爲徐常侍來。徐卽答曰：前王肅至此，爲魏始制禮儀，今我來聘，使卿復知寒暑。收大慚。

○月賦秋月詩

孝武嘗問魏延之曰：謝莊月賦何如？答曰：莊始知隔千里兮共明月，帝召莊以延之語語之，莊應聲曰：延之作秋月詩，始知生爲久別離，死爲長不歸。

○趙孟頫周草牕對

趙魏公孟頫有一私印曰水晶宮道人周草牕以瑪瑙
寺行者對之趙遂不用此印後見草牕同郡崔進之藥
肆懸一牌曰養生主藥室趙以敢死軍醫人對之崔亦
不復設此牌趙語人曰我今日方爲水晶宮吐氣

○蘇劉

劉貢父晚得癩疾鼻陷又坐和蘇子瞻詩罰金元祐中
同爲從官貢父曰前於曹州有盜夜入人家室無物但
有書數卷耳盜忌空還取一卷而去乃舉子所著五七

言也。就庫家質之。主人喜事。好其詩。不舍手。明日盜敗。更取其書。主人賂吏而私錄之。吏督之急。且問其故。曰。吾愛其語。將和之也。吏曰。賦詩不中。和他。子瞻亦曰。少壯讀書。頗知故事。孔子常出。顏仲二子行而過市。而卒遇其師。子路趨捷。躍而升木。顏淵懦緩。顧無所之。就市中。所謂石幢子者。避之。既去。市人以賢者所至。遂更其名曰。避孔子塔。坐者絕倒。

○狼驢

袁元峰閣老與郭東野同朝。郭戲袁曰。今日東門報一

猿走入西門又報一猿走入已知皆是猿然則猿亦似
狼乎袁曰今日有人索題居扁者予問居在何處曰在
郭東野外因題之曰郭東野廬

○陶穀使吳越

陶穀在翰林日念宣力已久意希大用使同類乘間探
之藝祖曰翰林草制皆檢前人舊本俗所謂依樣畫葫
蘆耳穀題一絕於玉堂署云官職須從生處有才能不
管舊時無堪笑翰林陶學士年年依樣畫葫蘆藝祖見
之薄其怨望後奉使吳越忠懿王宴之因食蟾蜍詢其

族類忠懿命自蟾蚌至麒麟凡十餘種以進毅曰真所謂一蠅不如一蟬以諷忠懿之不如錢鏐也宴將畢或進葫蘆羹相勸毅不舉筋忠懿笑曰先王時庖人善制此羹今依樣饌來者毅嘿然

○○原父酬歐公

劉原父晚年再娶歐公作詩戲之云仙家千載一何長浮世空驚日月忙洞裏桃花莫相笑劉郎今是老劉郎原父得詩不悅思報之初歐公與王拱辰同爲薛簡肅公壻歐公先娶王夫人姊再娶其妹故拱辰有舊女婿

爲新女壻。大姨夫作小姨夫之戲。一日三人會間。原父曰。昔有一學究訓學子。誦毛詩。至委蛇。委蛇。學子念從原字。學究怒而責之。曰。蛇當讀作媵字。母得再誤。明日學子觀乞兒弄蛇。飯後方來。問何晏也。曰。遇有弄媵者。從衆觀之。先弄大姨。後弄小姨。是以來遲。歐公亦爲之噱然。

按簡肅公墓文。王拱辰兩爲公壻。而詩話等書皆稱歐公未解。

○何承天

何承天年老爲著作佐郎諸佐郎並名家年少荀伯子朝之呼爲姝母何曰卿當云鳳皇將九子何言姝母

○王范

王文度范榮期常同詣簡文范齒勝王爵勝王遂在范後王因謂范曰籛之揚之籛批在前范曰淘之汰之砂礫在後

○祝石林

給事祝石林曾爲黃陂博士偶入郡與黃岡令劉聯坐令心易之而嗔其抗直曰吾鄉士人有一破乃大哉堯

之爲君一節題破云以齊天之大聖極天下之無狀焉
祝曰吾亦有一破題是不得已而之景丑氏宿焉破云
處無可奈何之地遇大不相干之人同官絕倒

明年親
及第劉

以縣令考
察爲民

○○王清

王清係椽吏初授卑官有異才累遷嘉興府同知以督
責海塘有功擢兩淮僉憲踰半年請告歸在嘉時偕太
守行香文廟太守戲指先師謂公曰認得此位老先生
否清曰認得這老先生人品極高只是不曾發科太守

默然。

只誇科第。不論人品。此位老先生。太守反不認得。

○仕宦遲速

魏周泰爲新城太守。司馬宣王使鍾毓調曰。公釋褐政府三十六日。擁蓋守兵馬郡。乞見乘小車。一何駛乎。泰曰。君名公之子。小有文采。故守吏職。獮猴騎土牛。又何遲也。

○陸兵曹張給事

陸式齋客一日與張給事宴。投壺中耳。給事曰。信是陸。

兵曹開手便中帖木耳。式齋答云：可惜張給事閉口常學磨兜堅。給事有慚色。

○費侍郎對

費宏官侍郎。其兄奉常公宴。以長少易位。劉瑾適過之。曰：費秀才以羊易牛。公答曰：趙中貴指鹿爲馬。

○侍郎謔

景泰間。兵刑二部僚佐會坐。時于公謙爲兵書。俞公士悅爲刑書。刑侍郎戲謂兵侍郎曰：于公爲大司馬。公非少司馬乎。兵侍郎卽應之曰：俞公爲大司冠。公非少司

賊乎。

崔副使允京山侯元之弟也。初登第時，偕同年王侍郎寅之子允脩謁王之鄉前一輩。其人問崔何人，王云：「崔駙馬弟也，乃兄駙馬。」此爲駙驢。崔答曰：「此王侍郎兒，乃父侍狼。」此爲侍狗。

○洗馬

劉定之陞洗馬，朝遇少司馬王偉，王戲之曰：「太僕馬多，洗馬須一一洗之。」劉笑曰：「何止大僕，諸司馬不潔，我亦當洗。」

○太常卿太學士

陳師召擢南京太常門生會餞有垂涕者李西涯大學士在席爲句云師弟重分離不怪他太常卿也罷公應聲曰君臣難際會便除我大學士何妨一座絕倒

按陳音莆田人李東陽同榜性寬坦在翰林時夫人嘗試之會客至呼茶曰未煮公曰也罷又呼乾茶曰未買公曰也罷客爲捧腹時因號陳也罷

○增廣檢討

內鄉縣李萊字子田官翰林檢討其弟名瑤字襲美久

滯增廣生。業遺書。彥曰。爾今年增廣。明年增廣。不知增得幾多。廣得幾多。彥答書曰。爾今日檢計。明日檢計。不知檢得甚麼。討得甚麼。

○試官舉子

唐制舉人試日。既暮。許燒燭三條。主文權德輿於簾下戲云。三條燭盡。燒殘舉子之心。舉子遽答云。八韻賦成。驚破侍郎之膽。

○僧贊寧等

僧贊寧辭辯縱橫。人莫能屈。時有安鴻漸者。文辭雋敏。

尤好嘲咏嘗街行遇贊寧與數僧相隨鴻漸指而嘲曰
鄭都官不愛之徒時時作隊鄭谷詩愛僧不愛紫衣僧贊寧應聲答
曰秦始皇未坑之輩往往成羣

安鴻漸素好謔凌侍郎策其父曾爲鎮所由父攜拜
鴻漸乞名鴻漸命名曰教之蓋言所由生也策後頗
銜恨云

潘閻常謔惠崇曰崇師爾爾當憂獄事吾去夜夢爾拜我
爾豈當歸俗耶惠崇曰此乃秀才憂獄事爾惠崇沙門
也惠崇拜沙門倒也秀才得無詣沙門島耶

包山寺

在蘇州太湖

僧天靈者博學通文有一秀才嘲之曰

禿字如何寫僧應聲曰秀字掉轉尾就是

僧錄惠江中書程紫霄俱辯捷江素充肥會暑袒露霄見之曰僧錄琵琶腿江曰先生厥栗頭又見駱駝數頭霄指一大者曰此必頭陀也江曰此輩滋息亦有先後此先生非頭陀

僧貫休有機辯杜光庭羽士欲挫其鋒每相見必俟其舉措以戲調一日因舞樂於通衢貫休馬墜糞光庭連呼太師太師數珠落地貫休徐曰大還丹大還丹

○儒匠

有木匠頗知通文，自稱儒匠，嘗督工於道院。一道士戲曰：「匠稱儒匠，君子儒，小人儒。」匠遂應曰：「人號道人，餓鬼道，畜生道。」古今巧對

○劉潛夫

楊平舟棟以樞掾出守莆陽，劉潛夫克兄弟俱以史官

里居，郡集公寓王臞軒遺戲之云：「大編脩，小編脩，同赴編脩之會。」潛夫云：「欲屬對不難，不可見怒。」王願聞之，乃云：「前通判，後通判，但聞通判之名。」蓋王凡五得倅而不

上云王又嘗折劉名調之云十兄二十年前何其壯二十
十年後何其不壯劉應之曰二兄二十年前何其遇二十
十年後何其不遇

○東坡佛印

佛印原儒家流書無不讀與東坡友善神廟時禱旱命
僧人入內脩演東坡謂佛印冒侍者入觀盛事上見魁
偉遂賜披剃心頗銜恨一日東坡戲曰往嘗與公談及
古詩如時聞啄木鳥疑是叩門僧又如鳥宿池邊樹僧
敲月下門未嘗不以鳥對僧也不意今日公身犯之佛

印曰。所以老僧今日得對學士。東坡大笑。

又舊傳佛印嘗訪坡公。公不在。值小妹臥紗帷中。佛印曰。碧紗窗裏臥佳人。煙籠芍藥小。妹應聲曰。清水池中洗和尚。水浸蒹蘆。佛印笑曰。和尚得對佳人。已出望外矣。按此乃後人好事者之爲。公雖曠達。印不應直入臥室也。又傳小妹夏月晝寢。坡公過之。妹戲吟曰。露出琵琶腿。請君彈一彈。公應曰。理上去不得。要彈也不難。亦可笑。

東坡爲佛印題小像云。佛相佛相。把來倒挂。只好播弄。

一日佛印亦與東坡題真云蘇髡蘇髡。比上不足。比下有餘。相與大笑。

○師公

徐之才父祖並善醫。世傳其業。祖孝徽。戲之才爲師公。之才曰。旣爲汝師。復爲汝公。在三之矣。頓居其兩。衆大笑。

○糞塹

丁公度。魏公宗慈。往因同館。喜相諧謔。魏遷職。以啓謝。丁丁戲。魏曰。啓事更不奉答。當以糞塹一車爲報。魏答。

曰得整勝於得落因大笑。

○錢素子

劉闢老嘗議丘文莊著述戲曰。丘仲深有一屋散錢。只欠索子。丘應曰。劉希賢有一屋索子。只欠散錢。

○羊蟹

尤延之極短小。壽皇嘗問外廷謂卿爲秤鎰。何故。對曰。秤鎰雖小。筋兩分明。上喜之。楊誠齋嘗戲呼尤延之爲蝓。蝓延之呼誠齋爲羊。一日食羊白腸。延之曰。秘監錦心繡腸。亦爲人所食。誠齋笑吟曰。有腸可食。何須恨蝓。

勝無腸可食人。世稱蟹爲無腸公子。一坐大笑。

○梁竇趙神德

梁竇好嘲戲。至貝州聞趙神德能嘲。卽令召之。竇面甚黑。廳上憑案以待。須臾神德入。兩眼俱赤。至階前。竇卽云。趙神德。天上旣無雲。閃電何以無准則。答云。入門來。案後惟見一挺墨。竇又云。官裏料朱砂。半眼供一國。又答云。磨公小拇指。塗得太社北。竇無以對。愧謝遣之。

○歐陽長孫

歐陽詢爲人瘦小。極其寢陋。而聰敏絕倫。太宗常宴近

臣、互令嘲謔以爲娛樂。長孫無忌先嘲詢曰：聳膊成山字，埋肩不出頭。誰令麟閣上，畫此一獼猴。詢應聲曰：縮頭連背矯，漫襠畏肚寒。祇緣心渾渾，所以面團團。太宗笑曰：詢殊不畏皇后聞耶。

○補唇先生

方干唇缺，有司以爲不可與科名。連應十餘舉，遂隱居鑑湖。後數十年，遇醫補唇，年已老矣。人號曰補唇先生。又性好侮人，嘗與龍丘李主簿同酌。李目有翳，干改令。讓曰：措大喫酒點鹽，軍將喫酒點醬。只見門外著篩，未

見眼中安障。李答曰：措大喫酒點鹽，下人喫酒點鮓，只見手臂着欄，未見口唇開袴。

○王琪張亢

王琪張亢同在晏元獻幕。張肥大，王以太牢目之。王瘦小，張以獼猴目之。一日有米綱至八百里村，水淺當剝載。張往督，王曰：所謂八百里剝也。張曰：未若三千年精矣。琪嘗嘲亢曰：張亢觸牆成八字，亢應聲曰：王琪望月叫三聲。

○吳原墅王玉峰

蘇州吳原墅麻臉鬚鬚莆田王玉峰面歪而眼多白王戲云麻臉鬚鬚羊肚石倒栽蒲艸吳應云歪腮白眼海螺杯銚嵌珍珠二人同部聞者鼓掌

○蘇小妹

東坡有小妹善詞賦敏慧多辯其額廣而如凸東坡嘗戲之曰蓮步未離香閣下梅妝先露畫屏前妹卽應聲云欲扣齒牙無覓處忽聞毛裏有聲傳以坡公多鬚鬚遂亦戲答之時年十歲耳

一說云去年一點相思淚至今流不到腮邊以坡公

長類也

○多髯

李從儼生辰，賀客秦鳳，陋而多髯。魏博少年如美人魏戲云：今日不幸與水艸大王接坐。秦曰：夫人無多言。四座皆笑。

○徐之才

魏收戲徐之才曰：君面似小家方相。之才曰：若爾便是卿之葬具。

○張玄祖

張玄祖八歲，齟齬先達，知其不常，戲之曰：君口復何爲？
狗實答曰：正使君輩從此中出入。

○嚴高二相公

常熟嚴相公面麻，新鄭高相公作文用腹紳，前後在輪
林時，高戲嚴曰：公豆在面上，嚴應聲曰：公舛在腹中。

○楊梅孔雀

梁國楊氏子六歲，甚聰慧，孔君平詣其父，呼兒出，見爲
設果，果有楊梅，孔雀指以示兒曰：此是君家果，兒應曰：未
聞孔雀是夫子家禽。

○虞寄

虞寄年數歲，客僕其父，遇寄於門，戲曰：「郎子姓虞，必當少智。」寄應曰：「字義不辨，豈得非愚？」客大慚。

○何顧

隋何妥八歲，顧良戲曰：「汝何是荷葉之荷，抑河水之河？」妥曰：「先生姓顧，是堅固之固，抑新故之故，來異之。」

○郭曾

秦和曾給事，性與郭工部愷飲間，曾嘲曰：「汝犬羊之轉，虎豹之轉乎？」郭應曰：「爾何曾比予於是？」

○二柳孤楊

柳機柳昂在周朝，俱歷要任。隋文帝受禪，並爲外職。時楊素方用事，戲語機云：二柳俱摧。機曰：不若孤楊獨榮。

○歸皮

皮日休謁歸仁紹，不遇。作龜詩嘲歸曰：硬骨殘形如幾
秋，屍骸終是不風流。頑皮死後鑽應遍，都爲平生不出
頭。歸作氣毬詩嘲皮云：八片尖皮切作毬，水中浸了火
中揉。一團閒氣如常在，惹踢招拳未不休。

○盧秋

狄仁傑戲同官郎盧獻曰足下配馬乃作驢獻曰中虜
明公乃成二犬傑曰狄字犬傍火也獻曰犬邊有火是
美熟狗

○韓盧後

符堅遣韓博使晉博有口才桓溫令刁美嘲之美謂博
曰卿是韓盧後美亦曰卿是韓盧後溫笑曰刁以君姓
韓故耳彼姓刁那得是韓盧後耶博曰明公脫未之恩
短尾者爲刁也一坐皆笑

○崔季珪

冀州崔季瑋，九歲應秀才舉。時陳元方爲州刺史，嫌其幼，瑋曰：昔項橐八歲爲孔子師，今自恨年已過矣。元方戲之曰：卿宗與崔杼近遠？瑋曰：如明公之與陳恒。

○盧陸

盧志

字子通，范陽人，尚書瑛少子。

於衆坐間，陸士衡、陸遜、陸抗是君

何物？答曰：如卿於盧毓、盧珽。

○謝劉二子

謝莊子謝淪嘗與劉涸子劉浚飲，推讓久之。浚曰：謝莊見不可云不能飲。淪曰：苟得其人，自可潦灑十日。浚慚。

之。

○殷何二子

殷淳與何勗共食蓴羹。勗曰：益殷蓴羹。勗司空無忌子也。淳徐輟筋曰：何無忌憚。

○庾孫二子

庾圍客庾翼子詣孫監。盛見齊莊放在外尚幼而有神意。庾試之曰：孫安國何在？即答曰：庾釋恭家。庾大笑曰：諸孫大盛有見如此。又答曰：未若諸庾之翼翼。還語人曰：我故勝得重喚奴父名。

○王慈

瑯琊王僧虔長子慈年十歲共時輩蔡約入寺禮佛正見沙門等懺悔約戲之曰衆僧今日何乾乾慈應聲答曰卿如此不知禮何以興蔡氏之宗約與宗之子也謝超宗見慈學書謂之曰卿書何如虔公答曰慈書與大人如雞之比鳳超宗鳳之子

○伍伯駟僧

晉庾純之父嘗爲伍伯賈充之先嘗爲駟僧充置酒而純未至充曰君行常在人先今何後純曰會有小市井

事未了、是以後耳。

○○酬外祖戲

王或子絢年六歲讀論語至周監於二代外祖何偃曰

可改爺爺乎文哉。

或都同音。吳哥問呼父爲爺。

絢曰尊者之名安可

戲寧可云草翁之風必舅。

魁父何尚之。絢之外祖翁也。

○申許二公

許公國與申公時行相約詣一所公議申詣許拉之許曰此纔午時已行乎申應曰既以身許國不得不爾。

○○達毅王達

達毅王達同爲郎中，一日僉公移，王戲曰：每書銜名，但以公上爲我之下，毅應曰：君子上達，小人下達。

○呂橫謝暉

呂橫謝暉亦以名相嘲，謝云：無才終入廣。呂云：不日便充軍。二人因而成隙。

○演琵琶記

閩中蔡大司馬經，初姓張，一日與龔狀元用，卿共讌，看演琵琶記，至趙五娘抱琵琶抄化，蔡戲龔曰：狀元娘子何至此。後至張廣才掃墓，龔指曰：這老子姓張，如何與

蔡家上境。

○羅隱對

羅隱與顧雲同謁淮南高駢。雲爲人素雅重，而隱性傲，覘高公留雲而遠隱，隱欲歸武林。駢與賓幕餞於雲亭。時盛暑，青蠅入座，高命扇驅之。雲因謔隱曰：青蠅被扇，扇離席，隱見白澤圖，釘在門。應曰：白澤遭釘，釘在門。開

開談謂是冠粉糊冠誤也

○胡旦

舍人胡旦飲酒面赤，學士謝泌戲之曰：舍人面色如袍。

色時胡服。緋也。胡答曰。學士心頭似撲頭。謝爲之色溫。

○鐵冠道人

鐵冠道人

張景和江右方士

結廬鍾山下。梁國公藍玉携酒訪

之。道人野服出迎。玉以其輕已。不悅。酒行。戲曰。吾有一語。請先生屬對。云脚穿芒履迎賓。足下無禮。道人指玉所持椰杯復之曰。手執椰瓢作盞。尊前不忠。後玉竟以逆誅。

○楊李二公

歲翁冬天氣盛。而西涯怯寒。二公同坐。西涯屣以足頓地作聲。遂翁曰。地凍馬蹄聲得得。西涯見其吐氣如蒸。

戲云天寒。驢嘴氣騰騰。

○陸封公對

太倉陸封公

陸瑚之父

貌黑而齒白。與鄉紳金紋者相善。一

日陸造紋。紋揖而戲之曰。黑象口中含白齒。陸揖甫畢。即應聲曰。烏龜背上列金紋。

○地諺

李時嘗以臘雞獨擅江南味。戲夏言。夏即應以響馬。能空冀北羣。人嘲江西以臘雞。畿輔以響馬。故二公各指爲戲。

李西厓在翰林時與河南一學士相謔河南公謁李見
簷曝有枯魚嘲曰曉日斜穿學士頭李應聲曰秋風正
灌先生耳蓋湖廣有乾魚頭河南有偷驢賊之謔又諺
云秋風灌驢耳故也見舊雨記談耳譯以爲
高中玄張泰對珠誤

○劉賓遇女媪

劉道真實遭亂於河側自牽船見採蓮女子嘲之曰女
子何不調機弄杼而採蓮女子答曰丈夫何不跨馬揮
鞭而牽船道真又嘗素盤共人食有媪青衣將二子行
道真嘲曰青羊將二羔媪應聲曰兩豬同一槽

○真揚二娼

江淮閩浙土俗各有公諱如杭之佛兒蘇之猷子常之
歐爺之類細民或相犯至於鬪擊宜和中真州娼迎新
守於維揚揚守置酒大合兩邦妓樂揚州諱缺耳真州
諱火柴頭揚娼恃會府輕屬城故令茶酒兵燹火而有
煙使小僮戒之已而不止呼責曰貴客大廳張筵何燒
炭不謹却着柴頭咄詈再四真娼笑語兵曰行首三四
度指揮何得不聽汝有耳朶耶沒耳朶耶揚娼大慚

○小試冒籍

華亭人冒籍上海小試憤其不容大書通衢曰我之大
賢與於人何所不容我之不賢與如之何其拒人也上
海人答云我之大賢與何必去父母之邦我之不賢與
焉往而不三黜

○戴釜山鹿鳴

嚴司空震梓州鹽亭縣人所居枕戴釜山但有鹿鳴卽
嚴氏一人必殞一日有表親野坐聞鹿鳴其表曰戴釜
山中鹿又鳴嚴曰此際多應到表兄表接曰表兄不是
嚴家子合是三兄與四兄不日嚴氏子一人果亡是何

異也

音林

酬
嘲部終